

學

津

討

原

第

八

集

凡




八

冊

七

泉志卷之七

不知年代品下



右太平錢 隋書食貨志曰梁武帝時百姓或私以古

錢交易有太平百錢 顧烜曰太平四文錢三種並徑

一寸重四銖源流本一但文字有今古之殊並曰太平

百錢其小者至徑七八分重一銖半文字不異 舊譜

曰錢有三種大篆小篆隸書文皆曰太平百錢但字有

古今形有大小又有水波文及龜背者見奇品余按此錢

又有一種其字含篆隸體錢字漫滅徑九分重二銖七




右兩畺錢 敦素曰此錢重四銖徑一寸三分微有外

輪背面無好郭其文篆書右曰兩左曰畺形質大抵似

半兩制作古異源流莫知按禮記鄭元注云八兩為鉛


據其輕重非如其文然左邊之字不當為續但未識耳

董道曰考字書無嗇字又不與篆合按釋真觀書曰
割愛辭親披縉剪髮乃知此自梵書中出其以縉爲嗇
又省文也此錢疑在南梁北齊間 余按此錢今世所
見者形質夷坦字文著明背面肉好皆無輪郭徑寸二
分重四銖三參嗇字與諸譜不同制度亦小今兩存之



右一文錢 敦素曰徑寸五分重七銖中穿正圓內外

並無輪郭有如半兩之狀一面有字 畫甚纖利 李
孝美曰此錢銅色純赤今世甚多流俗號爲鑠子錢豈
非以錢文類鑠形耶 舊譜謂之一文審求其義了不
可得然未知何所稽也 董道曰考古文此字爲巨泉
蓋園錢也



右四曲文錢 舊譜曰形製類半兩肉好無輪郭面有

四曲文外向有二字右類文字左不可識



右永光錢 徐氏曰文曰永光




右五金錢 徐氏曰文曰五金 余按此錢徑八分重
三銖六參字文明澈製作甚精



右大朝錢 李孝美曰此錢徑寸五分重十五銖其文

真書曰大朝金合內好背面皆有周郭或云是外國鑄




右天鎮錢 李孝美曰此錢徑八分重四銖六黍文曰天鎮福寶背文有一黎字在穿上字體形製與石晉天



福錢殊不相侔今世所見至多 董道曰天福石晉年
號當時所鑄自有天福鎮寶錢文見晉氏舊史 余按
此錢面文湮沒存于今甚多董氏以爲見之晉史今無
其書可考矣



右萬歲錢 李孝美曰此錢徑寸二分重十三銖面文
繆篆曰皇帝萬歲背文繆篆曰忠孝傳家肉好皆有



右大興錢 李孝美曰此錢徑八分重四銖面文曰大興平寶復有一丁字在背文穿上 余按此錢今世至多背文丁字不常其處或在穿上或在穿下



右太干錢 余按此錢徑八分重三銖六參文曰太干通寶倒置通寶字千字疑當作平歲久漫滅爾背文有

一丁字在通字之背製作字體肖大興平寶錢



右天感錢 余按此錢文曰天感元寶大小二品字畫


道勁頃歲獲此尋逸之大小輕重莫詳

疑外國所鑄



右古錢 李孝美曰此錢徑寸一分重十銖面有兩字


不可識肉好皆有周郭皆夷漫如半兩狀



右古文錢徑一寸重四銖五參背文夷漫面肉坦平微有輪郭頗類園法




右三字錢徑寸一分重三銖三參面背肉形皆平外無周郭製作簡古字畫夷漫巨辨亦園法別種也



右千字錢 李孝美曰此錢徑寸六分重十銖面文右
 邊有一千字體如遼錢疑其同出而未得依據肉好皆
 有周郭背文亦如半兩




右太興錢 董道曰文曰太興平寶疑五代僭偽之所
 鑄



右黃河錢 舊唐書曰元和元年靈武李樂奏黃河岸
塌處得古錢三千三百其錢形小方孔三足

泉志卷之八


天品




右天帝錢 宗懷荆楚歲時記曰道書云牽牛娶織女

天帝借二萬錢下禮久不還被驅在營室中 晉書天

文志曰北落師門西北有十星曰天錢



右寶錢 頂生經曰其王是漫陁多王頂上而生後為
輪王以福力故天雨寶錢滿國皆富



右咸陽錢 任昉述異記曰周成王時咸陽雨錢終日
不絕



右金五銖錢 任昉述異記曰漢世潁川民家雨金五

銖錢





右五銖錢 任昉述異志曰王莽時未央宮中雨五銖錢既而至地悉爲龜兒

泉志卷之八

泉志卷之九

刀布品



右白金三品 前漢書食貨志曰武帝又造銀錫白金

如淳曰雜鑄銀錫為白金以為天用莫如龍地用莫如馬人用莫如

龜故白金三品其一曰重八兩其文龍名曰撰直三千

二曰以重羌小方之其馬直五百 晉灼曰以半斤之重善為三品比重六兩

則下品重四兩也三曰復小橢之其文龜直三百 師古曰橢圓而長也音他


果反後既盜鑄多又鑄赤仄錢白金稍賤民弗寶用縣官

以令禁之無益歲餘終廢不行 張湯傳曰山東水旱

貧民流徙皆印給縣官空虛湯承上指請造白金五銖


錢籠天下鹽鐵 史記索隱曰白金三品其一龍文隱

起肉好皆圓又作雲霞之象其二肉好皆方隱起馬形
在好之下又有連珠文者其三肉圓好方皆爲隱起龜
甲文





右契刀 前漢食貨志曰王莽造契刀其環如大錢身
形如刀長二寸文曰契刀五百 荀悅漢紀曰居攝二
年夏四月更造契刀一直五百與五銖並行 張晏曰

其文左曰契右曰刀無五百字也 顧烜曰契刀五百非勒刀爲此四字刀上但有契刀二字而直五百 張台曰台有此錢但薄于錯刀柄上文曰五百張顧二說並未見有柄者其文鋪成若錯刀之陷金也 李孝美曰嘗得此錢其形製正如張台所說但其文鑄成非陷金也且食貨志白云錯刀以黃金錯其文則此非陷金明矣



右漢刀 前漢食貨志曰王莽以黃金錯其文曰一刀
 直五千 荀悅漢紀曰居攝二年夏四月更造錯刀一
 直五千與五銖並行 張晏曰刻之作字以黃金填其
 文上曰一下曰刀 張台曰台有此錢如此圖樣 李
 孝美曰此錢今世猶多或有無刀者






右十布 前漢書食貨志曰王莽鑄大布次布第布壯


布中布差布厚布幼布么布小布小布長寸五分重十

五銖文曰小布直一百自小布以上各相長一分相重
一銖文各爲其布名直各加一百上至大布長二寸四
分重一兩而直千錢矣是爲布貨十品




右貨布 前漢食貨志曰王莽天鳳元年罷大小錢改
作貨布長二寸五分廣一寸首長八分有奇廣八分其
圜好徑二分半足枝長八分間廣二分其文右曰貨左
曰布重二十五銖直貨泉二十五與貨泉見偽品並行

張台曰此布如今最多而易得以今尺量之得寸九分
顧烜曰莽所作錢布皆用銅淆以連錫




右大黃布刀 舊譜曰重七銖長二寸三分文曰大黃
布刀 張台曰此亦王莽所鑄文曰大黃布刀莽自言
黃虞之後又改平帝定安太后爲黃室主卽大黃莽之
自稱也意者豈非莽之初謂刀布一物後分爲二耶
李孝美曰按此製作切類貨布但足外差廣銅色稍赤

耳食貨志與莽傳皆所不載 余按此布今世所存尚
多



右古刀布 管子曰先王用珠玉爲上幣黃金爲中幣
刀布爲下幣 李孝美曰按先王刀布文字制度書所
不載然今世所有古刀異布甚多豈非當時所用者乎


舊譜別作品俱列于后




右蒙城古刀 宣和五年郭偃為亳州蒙城令村人得

之田中柄端有方寸匕三字彷彿隸書背有方孔不透


身形如刀文曰貨布五百疑王莽所鑄



右長平古刀 舊譜曰天寶元年西河郡別駕李幼奇
於長平溪澗中所得狀如小刀長二寸四分濶五分柄
長二寸濶四分柄端有孔總長四寸七分背面俱有字
不可識




右沂州銀刀 嘉祐雜誌曰王公和學士罷沂州得銀
刀一有齊大公杏九字九字中闕不相屬刀上又有隱
起圓形疑是九府園法也




右長平異布 舊譜曰亦幼奇所得也長寸一分下廣


九分者長五寸廣五分向上漸潤無好足枝長四分間

廣三分面久兩字類科斗書皆有三道文不可識






右異布 舊譜曰長四寸一分上廣寸二分下廣寸五分首長六分廣寸好徑五分足枝長寸二分間廣四分重十二銖狀如貨布面文四字背文兩字不可識 李孝美曰按所見古布多矣唯此一品極大而形製特與大黃布刀相似舊譜以謂狀如貨泉有所未盡



右異布 舊譜曰長二寸六分首廣寸六分肉好無輪


郭其有亦訛足間正圍面文六字背文一字不可識



右異布 舊譜曰長二寸四分上廣寸五分下廣寸七

分首廣六分足間廣八分重八銖四傍有郭訛然亦無

好面文七字縱橫不可識



右異布


舊譜曰長二寸四分上廣寸五分下廣寸三

分首廣六分足間廣五分重八銖無好及肉郭面文六

字不可識

李孝美曰按此與已上二布文字舊譜皆


關



右異布

舊譜曰長寸八分肩廣寸下廣寸一分足間

廣五分正圜無好及周郭重十二銖面文五字不可識




右異布 舊譜曰長寸七分肩廣寸足間廣六分有好

形製與上布相類面文三字其左邊一字與中心一字



亦類上布右邊及中心字而倒正不同亦有無好者



右異布二品 舊譜曰長短廣狹與上二布相似文字





右異布 張台曰長寸七分半肩廣八分足間二分有肉郭面文兩字



右異布 張台曰長寸六分肩廣八分首廣五分足間廣二分重六銖背面然一字面文如日下安又字又兩

畫長短不齊背文如了傍加堅斜畫與上布皆于寶鼎尉王鑄處見之




右異布 張台曰長二寸一分肩廣寸三分首廣九分

足枝長六分間廣四分半重二十八銖面文四字有如

二字者金邊安瓜者山下安中者兩口相重者背文一

字與面文右邊向上者同形質朴厚不曾磨鑿於檢校

膳部李涿處見之




右異布 李孝美曰按此布長短廣狹輕重與上布相
 類面文六字亦同但倒正相異復無背文耳 余按此
 布自柄端例讀其文曰安陽之吉貨



右異布 李孝美曰按此布長二寸上廣一寸二分下廣
 寸三分首長七分廣七分足間廣五分正圓背面肉好


皆有周郭面文六字亦不可識



右異布 余按此布長二寸肩廣四分首廣六分半足
枝長五分間廣四分半重十三銖八參正圖背面肉好
皆有周郭面文四字




右異布 余按此布長二寸二分肩廣四分半首廣八分足杖長五分半間廣如之正圓重十六銖七參面文不可識



右藕心錢 舊譜曰世有此錢其形四方狀如博基長二寸面濶三分當四稜皆上下通闕若藕挺中破狀其上首形如秤槌鼻有孔號爲藕心錢



右蟻鼻錢 舊譜曰此錢其形上狹下廣背平面凸起
長七分下濶三分上銳處可濶一分重十二銖面有文
如刻鏤不類字世謂之蟻鼻錢



右舊譜曰咸通八年交海觀察鄭漢章奏百姓於野內
掘得古銅片四千九百五十五片詔翰林驗云上有齊

歸化三字按其形製及文篆外莫之覩亦古布流也

泉志卷之九


皇清

泉志卷之十

外國品上



右罽賓國錢 前漢西域傳曰罽賓國以金銀為錢文為騎馬幕為人面 張晏曰錢文面作騎馬形漫作人面目也 北史西域傳曰罽賓國市用錢




右烏弋山離國錢 前漢西域傳曰烏弋山離國錢貨

與罽賓同獨文為人頭幕為騎馬



右安息國錢 史記大宛傳曰安息國以銀為錢錢如

其王面王死輒更鑄效王面焉 前漢西域傳曰安息國以銀爲錢文爲王面幕爲夫人面王死輒更鑄 余按外國錢文爲王面若夫人面多矣而安息國司馬史但云錢如王面班史以爲面文爲王幕文爲夫人二史所載若此姑以司馬氏之說圖之



右大月氏國錢 前漢西域傳曰安息國以銀爲錢文爲王面幕爲夫人面王死輒更鑄錢大月氏國錢貨與


安息同



右泥婆羅國錢 舊唐書西戎傳曰泥婆羅國以銅為

錢面文為人背文為馬牛不穿孔 新唐書西域傳曰



泥婆羅國鑄銅為錢面文人形背牛馬形



右何國錢 徐氏曰以銀爲之徑寸五釐不開孔面爲人面背爲草木狀



右康國錢 徐氏曰以銀爲之徑九分不開孔背面皆作人面面文側而背文正面文繞以連珠之狀 舊唐書西戎傳曰康國生子必以膠置掌內欲其成長掌中持錢如膠之黏物




右拔汗國錢 徐氏曰以金爲之徑七分五釐無文字
又一種有三旋文並不開孔



右條支國錢 樂史太平寰宇記曰條支國市列錢貨

其錢獨文爲人幕爲騎馬




右拂菻國錢

神宗國史曰拂菻國歷代朝貢不至熙

寧四年其王滅伊靈改撒始來貢交易爲金銀錢無孔

面鑿彌勒佛背國王名



右大食國錢

廣州記曰生金出大食國彼方出金最

多凡諸貨易並使金錢 國朝會要曰大中祥符九年十一月大食國以金錢銀錢各千文入貢 余按此錢以金爲之而文象形形製甚小余至南海嘗見之

泉志卷之十一

外國品中



右因墀國錢 王子年拾遺記曰因墀國在西域之北
晉武帝時獻玉錢千緡其形如環環重十兩上有天壽
永吉之字 寶積記曰晉太康中因墀國進玉錢千緡
其形如環重十兩上有天壽永吉之文 余按此錢二

書所載皆同李孝美以天壽為壽昌以環為刀環又云
出拾遺記豈亥豕之訛耶



右和同錢



右神功錢




右萬年錢




右隆平錢 舊譜曰日本國錢四品並徑寸重五銖其
文隸書一曰和同開珍二曰神功開珍三曰萬年通寶
四曰隆平永寶其國延歷中鑄




右乾文錢 國朝會要云太平興國九年日本國僧齋然等浮海而至云其國用銅錢文曰乾文寶



右屋馱國錢 徐氏曰徑七分厚薄肉好不異中夏敦素曰字若梵書不可復識



右疎勒國錢



右龜茲國錢



徐氏曰龜茲疎勒國卽五銖也六九分

一面文 敦素曰按二國獨用者昔西涼張軌用之此

二國地接涼境豈非張氏之遺制乎 唐書西域傳曰

葱嶺以東俗喜淫龜茲于闐置女肆征其錢 樂史太

平寰宇記曰龜茲國賦稅准地徵租無田者則稅銀錢
余按二書所載則龜茲用錢審矣徐氏五銖之說未
知何據耶



右吐蕃國錢 敦素曰此錢徑寸重五銖肉好精巧不
減中國以銅為之皆胡字不可識背文如開元錢有甲
文詢于衆人謂之胡錢 徐氏曰按屋馱與此相類但
校三分之一小耳 張台曰按言胡錢者非了絕大抵西

北諸國通曰胡近有吐蕃使來卽將此錢去是吐蕃錢卽非止屋馱與胡也




右倭國錢 贊寧傳載曰倭國在東海中正朔一同中夏年號天慶天歷其國用錢文曰延喜通寶



右楚字錢 余按此錢徑八分重三銖六參銅色純赤

文不可辨大抵類屋馱吐蕃錢



右契丹國天贊錢 五代史四夷附錄曰契丹主阿保

機僭號名年曰天贊 余按此錢徑九分重三銖六參

文曰天贊通寶



右應歷錢 董道曰北虜錢文曰應歷重寶 趙至忠


虜庭雜記曰偽穆宗德光之子改元應歷



右重熙錢 趙至忠虜庭雜記曰聖宗卒少主宗真立

改元景福一年又改重熙 余按此錢徑九分重三銖

文曰重熙通寶



右清寧錢 陳昉虜庭須知曰契丹主洪基改元清寧

身元卷十一
余按此錢徑九分重三銖文曰清寧通寶



右大康錢 徐兢高麗圖經曰契丹咸雍十年改大康

至十年改元大安 余按此錢有二品並徑九分重二銖四參以大康通寶大康元寶爲文



右大安錢 李季興東北諸蕃樞要曰契丹主天祐年

號大安 余按此錢徑八分重二銖八參文曰大安元寶今世多有



右壽昌錢 李季興東北諸蕃樞要曰契丹主天祐年號壽昌 余按此錢徑九分重二銖四參文曰壽昌



右乾統錢 北遼通書曰天祚卽位壽昌七年改爲乾

統 余按此錢徑寸重三銖二參文曰乾統元寶



右天慶錢 李季興東北諸權樞要云契丹主天祚年

號天慶 余按此錢徑九分重二銖四參文曰天慶元



寶自天贊錢以下九品皆契丹年號計當時所鑄考之

虜庭雜紀曰景宗朝置鑄錢院年額五百貫則契丹鑄

錢舊矣



右千秋錢 李孝美曰此錢徑三分文曰千秋萬歲今甚易得蓋常歲虜使入貢人多博易得耳 董道曰遼國錢蓋近世所為



右海東三錢 余按雞林類事云高麗所鑄有通寶重寶之文今世所見凡三種通寶錢有二篆字及真行體

重寶篆文製作頗精並徑九分重三銖六參



右三韓錢 孫穆雜林類事曰高麗倣本朝鑄錢以錢
交易但其國人與海賈未以爲便其錢規模與中國同
皆以海東通寶或海東重寶三韓通寶爲記 徐兢高
麗圖經曰廣化門東南卽鑄錢監他貨皆以物交易唯
市藥則間以錢寶




右東國錢 余按此錢徑寸重二銖四參文曰東國通寶輪郭渾厚字畫明坦計高麗所鑄



右闍婆國梵書錢 三朝國史曰闍婆國在南海中其國翦銀葉為錢博易官以粟一斛二斗博金一錢諸蕃風俗去其國以銅銀錫鉞鋤雜鑄為錢其錢六十四箇

爲一兩 余按此錢甚小而薄面背無梵書無穿孔背形微斂錢質不可辨當是雜鉛錫或銀爲之其國一當五十或三十




右交趾國黎字錢 國朝會要云秘書丞朱正臣言前通判廣州竊見番商多往交州貿易齋黎字及砂鐵錢至州頗紊中國之法


泉志卷之十一

泉志卷之十二

外國品下




右大秦國錢 後漢書西域傳曰大秦國一名犁鞞國以金銀爲錢銀錢十當金錢一 隋書食貨志曰後周武帝時梁益之境雜用古錢交易河西諸郡或用西域金銀之錢官不禁



右三佛齊國錢

諸蕃風俗云在廣州正南其國用金




銀銅錫合鑄爲錢

右佛泥國錢

諸蕃風俗云在廣州東南其國用銅鑄


銀雜鑄爲錢



右東沃沮國錢 魏志東夷傳曰在高句麗蓋馬大山


之東 魏畧曰其國嫁娶之法女家責錢錢畢乃復還

婿




右新羅國錢 傳燈錄曰城於洪州開元寺受新羅僧

金大悲錢二十千命取六祖大師首歸海東供養



右高昌國錢 後周書異域傳曰高昌賦稅計田輸銀

錢




右波斯國錢 後周書異域傳曰波斯賦稅准地輸銀

錢 隋書西域傳曰波斯國人年三歲已上出口錢四

文 新唐書西域傳曰波斯國偷者輸銀錢 余按地


賦口筭盜罰當是三種諸史互舉其一何也又按西域
記云波利斯國舊曰波斯貨用大銀錢戶課賦稅人四
銀錢然則波斯波刺斯一也唐史云波斯居達過水又
于他國旁出云波刺斯治蘇刺薩倘那城賦稅口出四
銀錢二書所載口稅同而史氏不於波斯國表見豈誤
以爲二國耶




右女國錢

隋書西域傳曰女國在葱嶺之南其女王

身元卷十二
死國中則厚斂金錢求死者族中之賢女二人一爲女
王次爲小王 唐書西域傳曰東女羌別種也西海亦
有女王故稱東別之王死國人以金錢數萬納王族求
淑女二立之次爲小王王死因以爲嗣




右大月氏國錢 通典云大月氏國在大宛西錢貨與
安息同



右小月氏國錢

北史西域傳曰小月氏國以金銀錢

爲貨



右中天竺國錢

舊唐書西域傳曰中天竺國謀反者


幽殺之小犯罰錢以贖罪

新唐書西域傳曰中天竺


小罪贖錢

西域記曰天竺之稱舊云身毒其貨用金

錢銀錢貝珠小珠 四分律曰西方錢有銅錢白鉛錫
樹膠皮木金銀銖等錢形亦不同有如王面方圓長短
等錢不同字亦隨時處 三朝國史曰天竺國舊名身
毒市易用銅錢有文漫圓徑如中國之制但實其中心
不穿貫耳





右于闐國錢 唐書西域傳曰葱嶺以東俗喜淫龜茲
于闐置女肆征其錢



右投和國錢 唐書南蠻傳曰投和在真臘南銀作錢



類榆莢盜鑄者截手 樂史太平寰宇記曰投和國其

市中所貿易皆用銀錢小如榆莢私鑄者截腕



右阿耆國錢 西域記曰阿耆尼國貨用金銀錢銀小


銅錢



右屈居勿反支國錢

西域記曰屈支國貨用金銀錢小


銅錢



右觀貨邏國錢



西域記曰觀貨邏國貨用金銀等錢

模樣異諸國




右梵衍那國錢 西域記曰梵衍那國貨幣之用同觀

貨邏國




右迦畢試國錢 西域記曰迦畢試國貨用金錢銀錢

及小銅錢規矩模樣異於諸國




右那揭羅曷國錢 西域記曰那揭羅曷國昔如來在世之時牧牛之士以金錢買花供養受記又云諸欲見如來頂骨者稅一金錢若取印者稅五金錢




右健馱邏國錢 西域記曰健馱邏國有貧士得一金錢願造佛像酬工尚少復有一人持一金錢求畫佛像

畫工是時受二人錢共畫一像




右室邏伐悉底國錢 西域記曰室邏伐悉底國王威

風遠洽臣諸印度日以五億金錢周給貧窶一使人剃
髮輒賜一億金錢




右羯若鞠闍國錢 西域記曰羯若鞠闍國有佛牙長

餘寸半士庶瞻仰監守者繁其喧雜權立重稅欲見佛
牙輸大金錢




右鉢邏那伽國錢 西域記曰鉢邏那伽國城中有天
祠靈異多端衆生於此祠捨一錢功踰他所施千金




右婆羅疍女點斯國錢 西域記曰婆羅疍斯國有隱

士遇一人悲號逐路以五百金錢遺之




右尼波羅國錢 西域記曰尼波羅國出赤銅貨用赤

銅錢




右摩揭陁國錢 西域記曰摩揭陁國有伽藍其地本
庵沒羅國五百商人以十億金錢買以施佛



右伊爛拏鉢代多國錢 西域記曰伊爛拏鉢代多國

昔一長者晚有繼嗣時有報者輒賜金錢一百億因名其子聞二百億




右橋薩羅國錢 西域記曰橋薩羅國王為龍猛菩薩


鑿山建立伽藍計工人所食鹽價用九拘胝金錢

拘胝者唐

言億




右摩突羅國錢 阿育王傳曰摩突羅國有長者出錢於山中作精舍又有一長者錢財衰耗唯百五舊金錢在詣尊者詢多所而求出家




右乾陀越國錢 阿育王傳曰阿育王王華氏城號阿


身元卷十二
恕伽轉輪聖王持一金錢布施此塔王有宮婢得一銅
錢以施衆僧後生王宮掌中有一大金錢隨取隨生王
又遍行勸索欲用作福到一貧家夫婦二人詣富家質
七枚金錢與勸化者 余按阿育王乃頻婆娑羅王之
後裔頻頭莎羅王之子其傳不載國名考之阿育王息
懷目因緣經云乾陀越國樂如天宮聖王阿育於中綏
化則知其國爲乾陀越矣




右杜薄國錢 樂史太平寰宇記曰杜薄國出金以金
爲錢





右康居國錢 韋節西蕃記曰康居國以六月一日爲
歲首至此日王及人庶在國城東林下七日馬射至欲
罷日置一金錢于帖上射中者則得一日爲王




右末祿國錢 杜還經行記曰末祿國在惡梅國西南
市鄜正平其佑銀錢




右軒梁國錢 樂史太平寰宇記曰軒渠國幣貨畧同
三童國 張騫出關志曰凡諸國幣貨多用蕉越犀象
作金幣率象國土之面亦效王后之面若丈夫交易則
用國王之面女人交易則用王后之面王死則更鑄




右三童國錢 樂史太平寰宇記曰三童國作金幣率
 效國王之面亦效王后之面若丈夫交易則用國王之
 面婦人用王后之面王死則更鑄




右阿鈞康國錢 後魏書西域傳曰阿鈞康國市用錢
 爲貨




右舍衛國錢 四分律曰佛在舍衛國時舍衛國中諸長者集會先有制其有不至者罰錢五百



右層檀國錢 神宗國史曰層檀國交易用錢三分其齊金銅相半而銀加一分禁私鑄



右裸人國錢 義楚釋氏六帖云寄歸傳曰裸人國以藤竹器易鉄或用寶貝或用金銀錢



右碎葉鐵國錢 徐氏曰賓鐵作之形如兩鑲相連枚各圍寸九分聖歷中御史封思業使西域監斬叛突厥阿悉結薄露大足中還雒陽得西域諸國錢此與何國

以下六品並是也




右驃國錢

唐書南蠻傳曰驃古朱波也以金銀為錢

形如半月號登伽佗亦曰足彈陀

樊綽雲南志曰驃


國用銀錢




右巴氏錢

後漢南蠻傳曰秦惠王并巴中以巴氏為


蠻夷君長其君長歲出賦二千一十六錢三歲一出義賦千八百錢



右俠錢 後漢南蠻傳曰秦昭襄王時有巴郡閬中夷人能作白弩射殺白虎昭王嘉之乃刻石盟夷人傷人者論殺人得以俠錢贖死



右賓錢 後漢南蠻傳曰高祖爲漢王發夷人還伐三秦秦地既定乃遣還巴中復其渠帥七姓不輸租賦餘戶乃歲入賓錢口四十 余按巴氏錢以下三品皆夷人部落臣屬中國故輸租受律以其本夷人而後漢總之南蠻故係外國品後



右沙州玉錢 張台曰大中十有一年河西節度使張議譚進玉錢一枚時不宣下其文字輕重世莫得而聞

也議譚本吐蕃別部以沙州歸國遂以沙州爲河西軍
拜議譚爲節度使以統其部落以其本番部故附外國
品末

泉志卷十二

泉志卷之十三

奇品




右臺主衣庫錢


顧烜曰中王之錢臺主衣庫今有此

錢徑四寸重八兩面文曰中王之錢背文曰五銖七千
舊譜曰徑四寸重八兩面文曰中王之錢背文曰五
銖𠄎千 敦素曰所謂𠄎字者古萬字也此錢錢中最
大蓋謂一當五銖之千萬固嘗讀其面文爲錢中之王
背文爲五銖千萬于理爲勝 封氏曰面爲隸書背爲



篆書




右羅紋錢




右翅紋錢 顧烜曰二錢臺主衣庫今有




右北斗錢 舊譜曰文曰大泉五十背爲北斗之狀




右軒轅錢 顧烜曰今有此錢徑一寸重五銖面文為
 北斗軒轅之象背文為矛盾龍鳳之形謂之北斗星錢
 張台曰唐太宗與建國功臣於禁中馳騎射軒轅錢
 孔卽此錢也




右炳文錢




右日月錢



右井文錢




右雙五錢




右雙十錢 顧烜曰五錢並奇異今世見有 余按顧

氏所見異錢本七種舊譜移太和五銖入正用品大泉

五銖入不知年代品




右星月錢



右四五錢 余按此錢顧烜所載四傍皆篆書五字董

適謂之四五錢李孝美乃以五銖字上下之與舊說抵
牾何也



右八星錢 顧烜曰三錢劉氏錢志所載並未見奇異
稀有原始未聞 余按顧氏所載本四種舊譜移兩銖
八不知年代品




右鯨文錢 張台曰肉好背面皆有周郭一面有雙魚

宛轉之文



右兔犬錢 舊譜曰此錢形甚瑰麗面作兔犬之文上


兔下犬而無文字



右明月錢 徐氏曰此錢文曰明月 余按此錢徑九分重四銖二參製作鏗薄形質簡古外無輪郭背文明澈舊譜所圖與此小異又不載輕重大小計得其名而未見之也




右四神錢 舊譜曰肉好背面皆有周郭並作青龍白虎朱雀元武之狀亦有一面者大者徑寸八分重三兩



右萬國錢 余按此錢徑寸六分重十三銖面文平地

作水文一字類梵書不可識或云日字背文為星官月


兔雲鶴龜形慶善郎中守儀真得之郡圃土中





右龍文錢 敦素曰徑九分重三銖兩傍有文如日月
皆不可識制作肉好者如半兩 張台日以礪石爲之
非銅也



右三雀錢 舊譜曰徑寸三分重十銖背面緣上皆作
三雀銜花相面文曰五行大布背文有野草閑花之狀



右龜背錢 顧烜曰四文龜背錢今有此錢徑一寸重六銖文曰太平百錢背文隱起為龜形舊譜曰龜背文錢 背為龜甲隱起之形 余按此錢今世尚有之面文曰太平百錢篆書錢字湮晦叵見背文夷漫為龜背形與顧氏所畫背文相類舊譜謂之龜背文錢畫其背為龜甲非也




右水波紋錢

顧烜曰太平四文錢背有水波紋者三

種並徑一寸重六銖文曰太平百錢大體類前條太平


四文但製作微為瓌壯而背有波紋耳今世往往有之

莫知其始 舊譜曰水波紋錢大篆小篆隸書三種



右雙星錢 李孝美曰此錢徑寸一分重五銖面文肉

郭



右元武錢 李孝美曰此錢徑寸二分重八銖文永通

萬國背文為元武星劍之象 余按此錢銅色精好制


作甚工今世尚有之




右千秋錢 李孝美曰徑寸九分重二十四銖面文曰千秋萬歲背文為龍鳳之象



右龍鳳重輪錢 余按此錢徑寸三分重七銖二參背文重輪內形渾厚面文篆書曰永通泉貨背為龍鳳盤繞之象



右雙鳳錢 余按此錢徑寸二分重六銖輪郭重厚面
文為雙鳳翔舞之狀




右雙魚錢 余按此錢徑九分重四銖五參面文為龍
鳳盤繞之形背文雙魚相向



右四事錢 余按此錢徑九分重三銖六參面文二八相向一立一坐上有飛禽下一走犬背文夷漫



右單面龍鳳錢 余按此錢徑九分重三銖九參面文為龍鳳之象背文夷平







右龍鳳錢 李孝美曰此錢徑寸重七銖面文有內郭

為龍鳳之形背夷漫而為雙鶴鴻鸕盤繞之狀其文皆

隱起 余按此錢背面文如李氏之說但面文隱起水

波紋背文鑿成雲彩又有一種徑九分重三銖六參面

文亦為龍鳳形背為四人執刀楯之狀隱起毬路文



右藕心錢 四種其一長一寸二分濶九分重一兩二

錢無銘其二長一寸一分濶七分重一兩三錢無銘其

三長一寸三分濶七分重一兩二錢無銘其四長一寸


三分濶三分重二錢有半無銘 李孝美曰世有藕心

錢不著出於何時 余按宣和博古圖云此四錢大小


雖殊皆若破藕狀及觀李孝美畫譜與此雖異然其說亦謂上下通缺若藕挺中破狀與此乃正相合但未知其何世物耳

泉志卷之十四


神品



右輕影錢 洞冥記曰漢武帝昇望月臺時瞑望南端
有三青鴨宿臺端日色已暗青鴨化爲三小童着青綺
文襦各握鯨文大錢五枚置帝几前身上影動名輕影
錢




右清水錢 洽聞記曰晉義熙十二載涇陽縣羣童子浴於清水忽見側有錢出如流沙因競取之手滿放隨流去又以衣盛裹各有所得




右會稽船錢 宋書五行志曰晉海西太和中會稽山

陰縣起倉鑿地得兩大船滿中錢錢皆輪文大形時日向暮鑿者馳以告官官夜遣防守甚嚴至明失錢所在唯有船存視其狀悉有錢處




右青溪宅錢 南史齊本紀曰世祖於其住堂內得異錢文爲北斗星雙刀雙旗及有人形帶劍 南齊祥瑞志曰宋明帝泰始中世祖於青溪宅得錢一枚文有北


斗七星雙節又有人形帶劍 余按此錢舊譜以南齊志圖之今以南史為正





右太平錢 南齊祥瑞志曰世祖治盆城又得一大錢文曰太平百歲



右齊興郡錢 南齊祥瑞志曰永明七年齊興太守劉元寶治郡城於塹中獲錢百萬形極大以獻臺以爲瑞世祖班賜朝臣以下各有差




右齊安郡錢 南齊祥瑞志曰永明十年齊安郡民王攝掘地得四文九錢一爲二十七百十枚品製如一李孝美曰按此與會稽齊興錢文字大小皆未之聞



右令公百爐錢 邱悅三國典畧曰西魏大統七年正月東魏有雀銜永安錢置渤海王高歡前歡世子澄乃令百爐別鑄此錢鄴中號令公百爐錢 封氏曰背文四出 張台曰徑八分重二錢五黍 李孝美曰按此錢據所有者背文大小皆如封張所說面文輕重不與魏錢小異銅色深赤肉郭向外漸薄如碾輪狀然不知其他如何也




右廣宗郡錢 三國典畧曰北齊文宣帝天保元年正月卽位十月廣宗郡獻瑞錢文曰歸于聖帝



右僞趙錢 晉書載記石勒傳曰泰始中建德校尉王和掘得一鼎容四斗中有大錢三十文曰百當千千當

萬因此令公私行錢




右軒轅錢 令狐澄大中遺事曰軒轅先生居羅浮山


唐宣宗召入禁中以桐竹葉滿手授成錢 晞陽子賓

仙傳曰軒轅先生取榆莢肉於袖良久寫之皆爲小錢

遂治飲之




右孫先生錢 湘山野錄曰成都高僧誦法華經有功
忽一山僕至寺言先生來晨請師誦經在藥市奉候至
則烟嵐中橫一跨溪山閣乃其居也僕曰先生請師且
誦經誦至寶塔品先生野服杖藜嘿揖焚香聽罷遂入
不復出齋以藤盤竹箸秣飯一盂杞菊數甌食訖施襯
一綬僕送出口中途問僕曰先生何姓曰姓孫曰何
名僕于僧掌中書思邈二字僧大駭欲再往僕遽失之
視襯資乃金錢一百皆良金也中五六金一半尚鐵



右桐城錢

徐鉉稽神錄曰壬子歲桐城雙塔有回風

卷錢經市而過市人隨攫其錢以衣襟貯之歸視與錢
無異而十亡七八




右白雀錢

徐鉉稽神錄曰徐仲寶所居道南有大枯

樹僕夫灑掃其下沙中獲錢百餘以告仲寶仲寶自往


獲數百如是積年凡得數十萬其家人復於厨側鼠穴
中得錢甚多仲寶率人掘之深數尺有一白雀飛出其
下獲錢至百萬錢盡白雀乃去




右壽春錢 徐鉉稽神錄曰壽春人曹真出行野外忽
見坡下有數千錢自遠而來飛聲如鈴真逐之入一小
穴以手搆之可得數十而已



右應元錢 沈括筆談曰廬山太平觀乃九天採訪使
者祠唐開元中創建元豐二年道士發地得一餅封鏽
甚固破之有一銅錢文有應元保運四字不以爲異元
豐四年忽有詔進號九天採訪使者爲應元保運真君
與錢文符同本觀乃以其錢表獻之




右北海鐵錢 劉崇遠金華子曰北海縣中門中有地
隱起若小堆阜一縣宰乃令平之去數尺土卽得小鐵
錢散實其下深丈餘乃得一記云此是海眼故鑄錢以
鎮壓之又不明敘時代其錢大小如五銖




右嚴君平錢 趙抃成都記云嚴真觀漢嚴君平宅也
內有井名曰通仙耆舊傳云此井與漢州綿竹縣君平
宅中井相通近歲有人淘井得銅錢三文徑可二寸因

恍惚不安投錢井中立愈或曰此君平擲卦錢也



右科斗錢 趙抃成都記云唐乾符中蜀州刺史李師
泰理第於錦浦里北門西與李冰祠鄰距宅之北地形
漸高崗走西南與祠相接於其堂北鑿地五六尺得大
冢甃甃甚固得金錢於甃外數十枚各重十七八銖徑
一寸七八分圓而無孔去緣二分有隱起規規內面各
科斗書二十一字其緣甚薄有刃焉督役者以白師泰

師泰命并金錢復瘞之




右鷲口洞錢 樂史總仙記曰皇朝淳化元年昇州奏
二月十五日夜忽有雷聲茅山鷲口洞宮石開二尺裏
面得銅鐵錢三十一文

泉志卷之十四

身志卷十四

泉志卷之十五

厭勝品




右永安五男錢 舊譜曰徑二寸三分重十八銖厚一

分上下輪郭之間皆作粟文面上四出文文曰永安五
男背作四神之狀又有日月相對者 李孝美曰按所

見者徑寸二分背面皆四出有粟文面文曰永安五男
篆文與後魏永安五銖相似唯男字真書耳




右七夕錢 舊譜曰經寸四分重十三銖肉好背面皆
有周郭文爲牽牛織女相對形穿上爲花穿下爲草製
甚古質 李孝美曰據所有者面無好郭



右福慶錢

舊譜曰徑寸二分半重十銖肉好背面皆

有周郭亦有徑寸四分重十八銖者文曰伍男貳女參
公玖卿好郭邊作連珠文於外分爲八分若箕形其二
三五九皆作大字





右撒帳錢 舊譜曰徑寸重六銖肉好背面皆有周郭其形五出穿亦隨之文曰長命守富貴背面皆爲五出文若角錢狀景龍中中宗出降睿宗女荆山公主特鑄此錢用以撒帳敕近臣及修文館學士拾錢其銀錢則散貯絹中金錢每十文卽繫一綵條學士皆作却扇其最近御坐者所獲居多有學士考工員外武平一旣出逢韋巨源蘇味道各執平一將在燭下云員外事僕射省主欲有何取以手探平一懷盡而後已 李孝美曰頃見此錢於汝海王霖家形製文字皆如舊譜所說



但差大而銅鑄耳



右男錢 舊譜曰徑寸重四銖懸針書文曰布泉世人
謂之男錢言佩之則生男也 敦素曰徑寸一分形製
精巧字體與貨泉畧同疑王莽時鑄後周亦有布泉字
皆玉筋與此相並殊不侔也 李孝美曰此錢徑九分
重五銖背面肉好皆有周郭舊譜列在不知年代品今
移於此



右辟兵錢 舊譜曰徑八分重三銖背面皆有周郭又有兩重於方穿之中復更有小穿邪正安之疑若八角然其文一面曰去殃除凶一面曰辟兵莫當皆篆字其間有八柱郭外仍有小柄



右千金錢 舊譜曰形製輕重類辟兵錢其文一面曰

長毋相忘 一面曰日入千金 錢間亦有八柱



右豐樂錢 舊譜曰徑八分重二銖五黍 面又有四字

皆科斗書 其可識者豐樂肉好 背面皆有周郭 李孝

美曰此錢文曰天清豐樂



右君宜侯王錢 舊譜曰此錢徑寸重如其文 文有六

字曰君宜侯王五銖並篆書背面但有肉郭而無好郭
形製與漢五銖同而不甚精妙 李孝美曰漢五銖錢
面無好郭而背有之此錢既云背面皆有好郭安得與
漢錢同形製也







右長年錢 舊譜曰徑七分欵文曰長年太寶



右富錢 晉書石勒載記曰勒鑄豐貨錢 舊譜曰徑
寸重四銖文曰豐貨世人謂之富錢言收此錢令人豐
富 余按此錢徑九分重三銖輪深好潤面文有豐貨
二字篆書



右五男二女錢 李孝美曰此錢徑七分厚一分半重
十銖背面有字皆曰五男二女



右天下太平錢二品 李孝美曰此二錢大小不等面
 文皆曰天下太平背文並隱起大者徑寸重六銖為持
 挺人旁有躍龍之狀而平地作水文小者徑八分重五
 銖為五戲弄之象而平地作毬路文疑亦厭勝之流也
 男二女

余按此二錢今世有之又有二種其一面文亦曰天下太平背文爲四人持兵象之象而平地作水文徑八分重三銖六參又有一種面文亦曰天下太平背爲九子母之形平地作毬路文徑八分重二銖四參

泉志卷之十五

終

鄱陽錢志援證極博該貫幽邈可謂錢之董狐第其所志僅始虞代豈軒黃上下無足據邪嘗讀路史有軒轅氏金長寸七分重十二銖其文作𠄎王存又云軒轅字合爲一按古封禪文與此正同太昊氏之棘長寸七分肩廣一寸足間六分有肉好幕作𠄎斤一金作舌芒又寶鼎尉王博家有一布長寸六分肩廣八分背廣五分足間二分重六銖面文作川昊乃帝昊字幕文作𠄎所謂了旁斜畫蓋羲字也又董令昇家有一種長寸八分額廣六分肩廣寸一分奇足間五分重十二銖面文作

父吳幕文作甌皆太昊字也考之盪鐘帝直作二則此
立之曰信爲帝字又封禪文昊作昊可見神農貨曰一
金其爲幣衆有一種長二寸六分晉廣寸六分有肉好
無輪郭足間正圓面文六字背一字又一種長二寸四
分上廣寸五分下廣寸三分首廣六分足間五分重八
銖無好及肉郭而七字縱橫神農幣也又有一大錢徑
寸五分重七銖好圓無輪郭狀如半兩銅色純赤左有
卅字鈎畫甚精神字也又少昊氏貨長寸七分肩廣一
寸足間六分有好面有匕舌少匕化字少匕舌金字

高陽氏金長寸一分下廣九分背長廣各五分向上漸
濶足支四分間廣三分文作隆陽北文如八字帝譽貨
真斤一金長寸八分肩廣寸一分足間五分正圓重十
二銖無好郭黃帝貨長二寸一分肩廣七分枝六分間
四分半背廣七分質厚重二十八銖其文作出𠄎二斤
全幕文串又二種大小輕重與此正等六字亦同但倒
書之其串作𠄎此幣之最大者又舜策乘馬長二寸上
廣寸二分下寸三分背長廣各七分足間五分正圓文
尙全未正凡黃背面肉好皆有周郭凡此數者皆在刀

布及不知年代品豈忽于古文不爲前列邪惟軒轅少
字金與父昊奭字貨志中所缺其他若無長廣輕重而
有文者有葛天氏之幣其文作垠尊盧氏之幣其文作
壘高陽氏金其文作翳以一及作允陽俞平陽俞陽隲
凡五種有肉郭又一種其文作昊昌■丐一幕文作全
皆當併錄用爲此志續譜繡水沈士龍識

